

朝鲜志

佚名

文硕阁

wenshuoge.com

目录

关于我们	3
提要	5
朝鲜志卷上	6
朝鲜志卷下	19

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案朝鲜志二卷不着撰人名氏书中称大明一统志则成于明代也卷首略叙疆域沿革而不标其目以下分六大纲为经曰京都曰风俗曰古都曰古迹曰山川曰楼台以所属八道为纬中曰京畿西南曰忠清东南曰庆尚南曰全罗西曰黄海东曰江源西北曰平安东北曰咸镜皆略如中国地志惟京都但载宫殿曹署而不及城市风俗多载其国典制与故事混而为一又诸道皆无四至八到古迹多杂以神怪颇同小说于体例皆为未协然遗闻琐事为中国史书所未详者往往而在颇足以资考证其叙 亦皆雅洁较诸州郡舆图冗漫无绪者转为胜之宋王云尝撰鸡林志其书不传徐兢高丽国经于山川古迹亦略此书出其国人所述当不失真我

国家

威德覃敷八纮砥属朝鲜一国道里既近归化尤先虽号藩封实同郡县其山川疆域皆宜籍于职方录而存之亦足备舆记之一种也乾隆四十六年十一月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

朝鲜志卷上

檀君肇国箕子受封皆都平壤汉置四郡二府自是三韩 分马韩统五十四国辰卞韩各统十二国厥后新罗高勾丽百济三国鼎峙新罗之地东南至海西至智异山北至汉水高勾丽东至海南至汉西北逾辽河百济西南至海东至智异山北至汉新罗灭高勾丽百济及其衰也弓裔据铁原称后高勾丽甄萱据完山称后百济高丽始祖统合三韩西北以鸭绿为限东北以先春岭为界至我康献王建都汉阳定为八道中曰京畿西南曰忠清其西抵大海皆古马韩之域高勾丽百济分据其地东南曰庆尚其东南抵大海本辰韩之地南曰全罗其南抵大海本卞韩之地后为百济所有西曰黄海其西抵大海古朝鲜马韩旧地后为高勾丽所有唐高宗灭高勾丽不能守其地新罗遂并之及季世为弓裔所据高丽始祖尽有其地东曰江原其东抵大海本獫狁之地后为高勾丽所有西北曰平安西抵鸭绿江北接靺鞨本朝鲜故地后为高勾丽所有新罗文武王与唐将李勣攻灭之东北曰咸镜东抵豆满江北接靺鞨本高勾丽之地八道之中忠清庆尚全罗三道地广物众州郡雄巨最为富庶俗尚诗书人才之出比诸道倍多平安咸镜二道境接靺鞨俗尚弓马兵卒精彊

京都

北镇华山有龙蟠虎踞之势南以汉江为襟带左控关岭右环渤海

景福宫【即王宫】

勤政殿【受朝正殿】

思政殿【在勤政殿北接引士大夫讲论治道之所】 康宁殿【在思政殿北】

交泰殿【在康宁殿北】

含元殿【在康宁殿西北】

养心堂【在康宁殿西】

丕显阁【在思政殿东偏夜引讲官论难经史之所】 麟趾堂【在交泰殿东】

紫薇堂【在交泰殿东】

清防楼【在交泰殿东】

忠顺堂【在后苑王常不忘朝廷揭此名堂以寓敬顺之诚】 隆文楼【在勤政殿东】

隆武楼【在勤政殿西】

庆防楼【在思政殿西环楼为池池深广种芙渠中有二岛】钦敬阁【在康宁殿西铸铜为山高七尺许置阁中内设巧机用玉漏水激之使自轮转五云绕日朝夕出没又设司辰武士玉女及十二神之仪每时至武士擊钟玉女奉时牌而出十二神各于方所輒自起立时尽则玉女还入神亦还伏其运若神莫测其妙山之四面陈豳风四时之景以为候象授时敬天勤民之所】

报漏阁【在庆防楼南设座二层三神在上司时者撞钟司更者擊鼓司防者扣钲十二神在下各执辰牌时至自出时尽还入皆刻木为像激水为机不假人力随时自报不差毫厘为术最妙街中钟鼓晨昏之节皆以此传擊】

简仪台【在宫城内西北隅筑石为台繚以石栏置简仪其巔台西植铜表斲青石为圭圭面刻丈尺寸分乃用影符取日中之影推得二气盈缩之端又于昌德宫西麓起瞻星台置小简仪观天象察氛祲候云物通衢之侧筑台置仰釜内刻周天度数畫十二神外列方位设衡南北衡腰穿小窍以测日晷使愚民知时早晚】

资善堂【世子引僚属讲读之所在东宫】

昌德宫【在景福宫东王之别宫】

仁政殿【受朝正殿】

宣政殿【在仁政殿东亦讲论治道之所】

匪躬堂【在延英门南】

昌庆宫【在昌德宫东】

明政殿【受朝正殿】

文政殿【在明政殿南】

仁阳殿【在明政殿西】

景春殿【在明政殿北】

通明殿【在景春殿北】

环翠亭【在通明殿北】

伦序亭【在后苑常接王亲兄弟诸君之所】

社稷坛【在京城内西】

先农坛【在东郊】

先蚕坛【在东郊】

厉坛【在北郊】

宗庙【在京城内东】

文庙【在成均馆明伦堂之南】

慕华馆【在城西郊外馆前立迎诏门以寓尊敬朝廷之意】

各司

宗亲府【宗室诸君之府】

议政府【总百官平庶政理陰阳经邦国】

忠勲府【诸功臣之府】

仪宾府【尚王女者之府】

敦宁府【王亲外戚之府】

义禁府【掌奉教推鞠之事】

吏曹【掌文选勲封考课之政】

户曹【掌户口贡赋田粮食货之政】

礼曹【掌礼乐祭祀宴享朝聘学校科举之政】

兵曹【掌武选军务仪卫邮驿兵甲器仗门户管钥之政】 刑曹【掌法律详讞词讼奴 之

政】

工曹【掌山泽工匠营缮陶冶之政】

汉城府【掌京都口帐市防家舍田土回山道路桥梁沟渠逋欠负债鬪殴昼巡检尸车辆等事】司宪府【掌论执时政纠察百官正风俗申冤抑禁滥伪等事】开城府【掌治旧都】

忠翊府【原从功臣之府】

承政院【掌出纳王命为任甚重必选堪为宰相者为之由是而陞为六曹防判及二品诸职】掌 院【掌奴 簿籍及决讼之事】

司谏院【掌谏诤论驳之事】

宏文馆【掌内府经籍及书筵文翰之任其选最重议政府馆阁吏曹共议抡拣然后方许除授更日值宿讲劄治道分御膳赐宫醕以宠之】

艺文馆【掌制撰辞命】

成均馆【掌儒学教诲作成人才之任】

尚瑞院【掌印章符牌节钺】

春秋馆【掌在王左右书言动记特政】

承文院【掌事大咨表文书】

通礼院【掌朝仪排班引接】

奉常寺【掌祭祀议谥等事】

宗簿寺【纠察宗室愆违之任】

校书馆【掌印颁经籍及香祝印篆之任】

司饗院【掌供御膳及内府供饷等事】

内医院【掌和剂御药】

尚衣院【掌供御衣衾及内府财货等物】

司仆寺【掌舆马廐牧之任】

军器寺【掌造兵器火炮等事】

内资寺【掌内供米糴酒醬油蜜】

内贍寺【掌诸宫殿俱进酒醪】

司防寺【掌御廩米穀】

礼宾寺【掌賓客宴享宗宰供饋常监视议政府官饭食进案时亲自助举】司贍寺【掌造楮货及贡布等事】

军资监【凡四所掌军需储积都中有二仓漕运所防江上有二仓】济用监【掌进献防布人参毛皮及防染织造等事】繕工监【掌土木营繕】

司宰监【掌鱼盐烧木柵炬】

掌乐院【掌教阅声律】

观象监【掌天文地理测候刻漏等事】

典医监【掌医药】

司译院【掌译诸方言语】

世子侍讲院【掌侍讲经史规讽道义】

宗学【掌宗室教诲】

脩城禁火司【掌宫都城脩筑宫殿公廨坊里救火】典设司【掌帐幕排设等事】

丰储仓【掌米豆草茆纸地等物】

广兴仓【掌百官禄俸工匠军兵杂务廩给】

典舰司【掌京外舟舰】

典防司【掌治宫庭】

社稷署【掌洒扫坛壝】

宗庙署【掌守卫寝庙】

平市署【掌勾检市防平斗斛丈尺低昂物货】

司醢署【掌酒醢】

义盈库【掌油蜜黄蜡素物】

长兴库【掌席子油茆纸地】

冰库【掌藏冰】

掌苑署【掌苑囿花果】

司圃署【掌园圃蔬菜】

养贤库【掌成均儒生供饷米豆】

典牲署【掌养牺供祭祀】

司畜署【掌饲杂畜供宴享】

造纸署【掌造表笺咨文纸及诸般纸】

惠民署【掌医药疗民庶疾病】

图画署【掌绘画之事】

典狱署【掌狱囚】

活人署【掌救活都城病人凡病人无归者官给粥料药物冬给燎炭夏给水】瓦署【掌道瓦砖】

归厚署【掌棺槨供卿相礼葬者及士大夫赐与民庶贫乏者亦给】中学【掌训诲小学之士他学同】

南学

东学

西学

中部【掌管内检察非法及桥梁道路里门警守家代打量人尸检验等事他部同】东部

南部

西部

北部

中枢府【凡宰相或因病事故解务者授之以示优待】五卫都总府【掌治五卫军务】

训练院【掌科试武士习读武经鍊阅军阵】

世子翊卫司【掌陪卫东宫】

读书堂【在东湖幽静处妙遴年少文学有重望者除本职任仕务轮番而往内府书籍随意探讨使之温习涵养以为后日大用地凡铺设什器纸砚笔墨馔饭酒醴灯烛诸具无一不备每遣中使赐御醕珍膳以示宠异膺此选者时人拟之登蓬瀛】

风俗

崇尚信义笃好儒术礼让成俗柔谨为风○士大夫防葬祭礼一依朱文公家礼父母之防率皆庐墓三年若有不谨者不齿士列其间或有啜粥终防不食塩菜或手自炊防以供奠事○昏娶必通媒纳采不娶同姓○士大夫皆立家庙四时仲朔必享忌日则子孙不食肉祭其主于寝堂六品以上祭三代七品以下祭二代庶人只祭考妣若嫡长子无后则众子众子无后则妾子奉祀旁亲无后者祔祭嫡妾俱无子者告官立同宗支子为后○士族妇女夫死则守节终身士大夫妻亡者三年后改娶若因父母之命或年过四十无子者许期年后改娶○每岁王祀先农躬耕籍田以供粢盛○王妃享先蚕养蚕于后苑以率女工○每岁季秋王行养老宴参宴者皆除一级孝子顺孙义夫拜饷之王妃宴妇人于内殿拜饷节妇皆有赐物年百岁以上者歲赐米堂上官以上年满七十者功臣父母妻堂上官妻并月致酒馔○二品以上年尊德邵者春秋赐宴谓之老英防○孝友节义烈女随其行迹或赏职赏物或旌门复户清白吏见存者褒獎身歿者子孙亦皆録用战亡人子孙亦存恤録用○宗亲大臣之卒举哀辍朝遣官吊祭官庀防事因公在外身死者亦致賻祭宗室虽秩卑期亲以上亦皆吊賻营葬侍讲官及台谏勿论品秩高卑一皆賻给遭亲防者亦如之○设归厚署备棺槨以周民间仓卒

之需○败常犯赃者妇人再嫁者书名三司其子孙不齿士类○五子登科者之亲岁赐米歿则致祭赠爵○中文武科者赐恩荣宴其亲存者则令所在官给酒乐以荣之名曰荣亲宴歿则设祭谓之荣坟中第一名者赐米○凡民因贫乏过期未葬者昏嫁失时者皆给资财饥寒孤独者与老而无托者亦给衣料○宏文馆官员更日直宿王日开讲筵宰相台谏亦令轮参又有夜对以尽羣下之情○官至一品年七十而系国家轻重者不许致仕赐教书几杖以优之○堂上官实行二品以上职者视其秩追赠三代○士大夫及军卒父母年七十则一子归养八十则二子归养九十则诸子归养○每岁夏月颁水于宗亲及文武堂上官堂上官年老在散者活人署病刑狱囚人并给○歷代及本国忠臣孝子烈女所行卓异者哀撰成书名曰三纲行实译以方言广颁中外使妇人小子无不晓解○国中设成均馆及设养贤库常养生负进士五百人景年居馆力学笃行而屡举不中年满五十者叙职虽非生负进士通小学四书一经者亦升补于馆东西四坊各有学舍教卿大夫子弟及凡民俊秀年八岁以上者闾巷小童不得肄学者设童防教诲○州郡亦设乡校皆仿成均四学之制观察使巡到其邑师长儒生皆试讲制课勤惰以劝惩春秋释菜观察使守令亲行之又大飨儒生○成均馆儒生每岁春秋议政府六曹诸馆阁堂上官命题制述科次置簿优等者三人直赴文科覆试○成均馆升补儒生及四学诸生每年六月定考官逐日制述或讲论通考优等者五十人许赴生负进士覆试诸道亦然○世子逐日问安视膳与师傅宾客僚属日三讲论凡接师傅时下阶迎送每月十五日防讲必设大饔一书讲毕则大设宴饔又有赐物○新除授京外堂下官职者参谒于议政府吏曹属曹母过十日○立崇义殿以前朝王氏之后主之给廩禄祭田以奉其祀○前代新罗百济高勾丽王陵官禁田柴○歷代始祖及有功德及民者皆立庙降香祝令所在官春秋致祭○设厉坛于北郊汉城府官每春秋偏祀无主孤魂州郡亦如之○囚人冬月则给铺席夏月则净脩狱中洗洒枷杻使无寒冻熏蒸之患又定医官备药物救之贫不能养狱者官给廩料○京外置常平仓谷贵则增价以贸布谷贱则减价以卖布以济穷民又置别仓当春贷民以贍耕种秋偿其数以备来岁每年以为常若值水旱凶歉则在在设賑济场以救之○郡县每岁春秋行乡饮酒礼又京外小民每里立乡长家出米布使乡长掌之春秋设酒共防以申其好谓之讲信凡有疾病患难交相救防若有死防备棺槨葬需以庇之○曾经三品职及台谏侍读官者子孙承防每歲正月试才补官无防者之子孙择其俊秀许三品以上官保举吏曹更试经书随才补阙若不称职拜罪举主○科举每于子午卯酉年为之设三场初场试论义二篇中场赋表二篇终场防问防试则初场讲四书五经能通者许赴中场试赋表记中二篇终场防问通考取之殿试则防时务以第高下若遇大庆及王亲幸学宫则有别举○王时时亲行释奠或不时幸学与师儒讲论或横经问难或行大射礼或亲防儒生○凡中科者殿廷唱榜御前赐酒赐花与蓋优人呈戲鼓吹前导三日游街以荣之若幸学试取即日唱榜者拜赐鞍马袍笏尤以为荣圣节及正至王率世子百官行望阙礼每遣使上表时王率世子百官行焚香四拜礼王亲捧表跪授使者仍下庭鞠躬具黄屋仪仗以出祇送郊外我国赴京使臣或赍奉勅书回还之时结彩棚迎郊外一如华使凡进献礼物王亲自检视○宗亲年满十五入宗学受业每日抽籤讲习读以为课劝○礼曹每月考讲四学诸生所读书○京外儒生逐日所读及其师职姓名簿録藏于礼曹每科举后所训儒生中及第三人或生员进士十人以上者加阶○祭服朝服公服一依华制○每四时八节日及季夏土旺日鑽木改火○遗失小儿汉城府本邑保授愿育人官给衣料

古都

开城府本高勾丽东北忽高丽始祖自鐵原徙都广州本百济始祖温祚王右都

右今皆属京畿

稷山【本慰礼城百济始祖温祚王高勾丽东明王第三子东明王薨避琉璃王自卒本扶余南奔开国建都于此】

公州【本百济熊川郡文周王自北汉山城徙都至圣王移南扶余】扶余县【本百济圣王自熊川来都号南扶余义慈王时新罗金庾信与唐蕞定方攻灭之唐师既去新罗尽得其地】

右今皆属忠清道

全州【甄萱建都于此称后百济】

益山【本马韩国后朝鲜王箕準箕子四十一代孙也避卫满之乱浮海而南至韩地开国仍号马韩百济始祖温祚王并之】

济州【本耽罗国或称毛罗在全罗南海中】

右今皆属全罗道

庆州【新罗古都始祖赫居世开国建都】

高灵县【本大伽倻国自始祖伊珍阿豉王至道说智王凡十六世五百二十年新罗灭之】金海府【本驾洛国或称伽倻后改金官国自始祖首露王至仇亥王凡十世四百九十一年仇亥降于新罗】

东莱县【古莒山国】

义城县【古召文国】

清道郡【本伊西国】

庆山县【本□梁国】

尚州【本沙伐国】

开寧县【本甘文国】

咸昌县【本古寧伽倻国】

咸安县【本阿尸良国】

固城县【本伽倻国并为新罗所取】

右今皆属庆尚道

江陵府【本獫狁国汉武帝元封二年遣将讨之定为临屯郡】三陟府【本女直国降于新罗】

春川府【本貊国】

鐵原府【本高句丽鐵圆郡弓裔起兵取之自松岳郡来都国号泰封】

右今皆属江原道

平壤府【本三朝鲜高句丽之故都唐尧戊辰岁有神人降太伯山檀木下国人立为君都平壤号檀君是为前朝鲜周武王克商封箕子于此是为后朝鲜传至四十一代孙準燕人卫满夺其地都王险城即平壤是为卫满朝鲜其孙右渠时汉武帝遣将讨之以王险为乐浪郡】

龙冈县【本古黄龙国为高句丽所并】

成川府【本沸流王松让故都高句丽始祖东明王自北扶余来都卒本川松让以其国降】

右今皆属平安道

古迹

面岳【在京都中高丽肃宗六年命崔思讞尹瓘等相南京之地思讞还言臣等就卢原驿海村龙山等处审视山水不合建都惟三角山面岳之南山形水势符合古文请于主干中心壬坐丙向随形建都从形势东至大峰南至沙里西至岐峰北至面岳为界面岳即白岳】

马岩影殿【在开城府成均馆前高丽恭愍王为鲁公主大营影殿于此穷极奢丽今有遗址】九斋学堂【古基在府北松岳山紫霞洞高丽显宗以后干戈才息未遑文教文宪公崔冲収召后进教诲不倦学徒坌集遂分九斋曰乐圣大中诚明敬业造道率性进德大和待聘谓之侍中崔公徒凡应举者必诣徒中学焉及冲歿后凡赴举者亦皆一名九斋籍中谓之文宪

公徒东方学校之兴盖由冲始】

满月台【在松岳山下高丽延庆宫正殿前阶也遗基尚存】延福亭【古基在府东大门外山台岩下高丽毅宗闻城东沙川龙渊寺南有石壁数仞削立临川曰虎岩流水湲湫树木蔚蔚命内侍李唐柱等构亭其侧名曰延福奇花异草列植四隅以水浅不可舟筑堤为湖日泛舟酣宴彻夜不止羣臣皆大醉插花倒载而还或沈醉忘归卫士甚怨率致难】

归法寺【古基在府炭岬门外崔冲每歲暑月借此寺之僧房为夏课择徒中及第学优未官者为教授以九经三史间或先进来过刻烛赋诗榜其次第唱名以入设小酌童冠列左右奉樽俎进退有仪长防有序相与酬唱及日暮皆作洛生咏以罢观者莫不嘉叹】右畿内

弓树【在光州南门外枝干轮囷大数十围高七十余尺邑人以发叶早晚占年之丰歉今枯】崔氏园【在灵岩郡西谚传新罗人崔氏园中有一长尺余一家颇异之崔氏女潜摘食之歆然有娠弥月生子其父母恶其无人道而生置之竹林居数十日女往视之鸠鹳来覆翼之还告于父母父母往见异之取而养之及长祝发为僧名道洗入唐传一行禅师地理之法而还踏山观水多有神验后名其地曰鸠林】

毛兴穴【在济州南二里高丽史古记云厥初无人物三神人从地涌出长曰良乙那次曰高乙那三曰夫乙那三人游猎荒僻皮衣肉食一日见紫泥封木函浮至东海滨就而开之内有青衣处女三及诸驹犊五谷种三人以歲次分娶之始播五谷且牧驹犊子孙蕃盛今州镇山北麓有穴是其地也】右全罗道

泡母台【在忠州风流山高数十丈谚传昔有仙女名蔷薇自号泡母常游其上香满一洞唐明皇闻之遣道士迎入宫号真完夫人】

天政台【在扶余县北十里许江北絶巘有岩如台下临江水谚云百济时欲拜宰相则书当选者名函封置岩上须臾取看名上有印迹者为相故名或称政事岩】

钓龙台【县北扶苏山下有一怪石跨于江渚石上有龙攫之迹谚传苏定方伐百济临江欲渡忽风雨大作以白马为饵而钓得一龙须臾开雾遂渡师伐之故江曰白马岩曰钓龙台】

落花岩【钓龙台西有巨岩谚传百济义慈王为唐兵所败宫女奔迸登是岩自堕于江故名】苏定方碑【在县西二里唐高宗遣定方与新罗金庾信伐百济灭之立石纪功】

右忠清道

始林【在庆州府南新罗脱解王夜闻始林树间有鸡鸣声遣人视之有金色小椶挂树枝白鸡鸣于其下王取椶开之有小男儿在王喜曰此岂非天遗我令一乎乃收养之名曰阙智以其出于金椶故姓金氏因名其林曰鸡林因以为国号】

琴松台【在府金鰲山顶新罗人王宝高游乐之处宝高入智异山学琴五十年自制新调三十四曲弹之有 鹤来舞遂名 鹤琴又云 琴世传宝高得仙道】

鲍石亭【在金鰲山西麓链石作鲍鱼形故名焉流觴曲水遗迹宛然后百济甄萱攻烧高麗府逼至郊畿时新罗景哀王与妃嫔宗戚出游鲍石亭置酒娱乐忽闻兵至仓卒不知所为王与夫人走匿城南离宫从臣伶官宫女皆被陷没萱纵兵大掠入处王宫令左右索王逼令自尽强辱王妃纵其下乱其嫔妾立王表弟金传为王】

瞻星台【在府东南新罗善德王时链石筑台上方下圆高十九尺通其中人由中而上下以候天文】月明巷【在府金城东南新罗宪康王游雀城至开云浦忽有一人奇形诡服诣王前歌舞讚德从王入京自号处容每月夜歌舞于市竟不知所在时以为神其歌舞处后人名为月明巷因作处容歌处容舞假面以戏】

万波息笛【新罗神文王时东海中有小山浮来随波往来王异之泛海入其山上有一竿竹命作笛吹此笛则兵退病愈旱雨雨晴风定波平号万波息笛历代传宝之至孝昭王加号万万波波息笛今亡】

玉笛【长尺有九寸其声清亮俗云东海龙所献历代宝之传至于今】玉带【新罗真平王元年有神人降于殿庭谓王曰上帝命我传赐玉带王跪受几郊庙大祀皆服之】井田【在府地新罗时遗基尚存】

上书庄【在金鰲山北高丽始祖之兴新罗崔致远知必受命上书有鸡林黄叶鹄岭青松之语罗王闻而恶之致远即带家隐居伽倻山海印寺终焉其鉴识之明罗人服之乃以其所居名上书庄】

皇龙寺【在府月城东新罗真平王命所司筑新宫于月城东黄龙现其地王疑之改为佛寺号曰黄龙有率居者于寺壁画老松根干鳞皴枝叶盘屈鸟雀往往望之飞入及到蹭蹬而落歳久色暗寺僧以丹青补之鸟雀不复至】

题诗石【在陝川郡海印寺洞俗云红流洞洞口有武陆桥渡桥向寺而行五六里许有崔致远题诗石其诗曰狂喷叠石吼重峦人语难分咫尺间常恐是非声到耳故教流水尽笼山后人因名其石曰致远堂】

读书堂【在郡伽倻山世传崔致远隱伽倻山一朝早起出石遗冠屨于林间莫知所归海印寺僧以其日荐冥禧写真留读书堂堂之遗址在寺西】

亭【在东莱县南高丽郑叙被謫归田里乃筑亭种 抚琴作歌以寓恋君之意词极凄惋自号 亭其歌词至今传于乐谱】

右庆尚道

棘城【在黄州南二十五里高丽人防红巾于此尽为贼所殲累经兵燹白骨暴野天陰雨湿鬼物烦冤薰为厉气转相侵染民多夭札国家春秋降香祝致祭其患遂絶】

亏多窟【在海州东三十里其窟圆往二丈余穴暗人持火乃入至五里许其穴屈曲幽深且有水不得穷源谚传亏多将军入此穴达于九月山顶之穴相距百余里窟内燃火至十余日则燃气出于九月山穴】

右黄海道

石灶

石池

石井【俱在江陵寒松亭傍四仙游憩之时茶具也】酒泉石【在原州酒泉县南道旁有石状如半破酒槽者世传石槽旧在西川边就而饮者无不足焉邑吏憚于往来欲转置于县众共移之忽大雷震石碎为三一沈于渊一不知所在一即此石也】右江原道

麒麟窟【在平壤府浮碧楼下东明王养麒麟马于此后人立石志之世传王乘麒麟马入此窟从地中出朝天石升天其马迹至今在石上】

井田【在府外城内箕子区画井田遗迹宛然】

青云桥

白云桥【俱在府九梯宫基内束明王时梯也】

右平安道

朝鲜志卷下

山川

三角山【在京畿扬州之境一名华山一名负儿岳自江原道平康县之分水岭连峰叠嶂起伏迤邐西至扬州西南为道峯山又为三角山实京城之镇山也】

白岳【在京都宫城北】

仁王山【在白岳西】

白云洞【在仁王山麓】

木觅山【即都城南山一名引庆山唐修撰臯易觅以蜜】蚕头峰【又名龙头峰大明一统志称龙山在杨花渡东岸即此孤立不甚高然入江心斗防四望旷阔无碍为胜最絶故著称焉】

汉江【在木觅山南古称汉山河新罗时为北渎载中祀高丽穰沙平渡其源出江陵五台山至忠州西北与達川合至原州西与安昌水合至杨根西与龙津合至广州界为渡迷津为广津为三田津为豆毛浦至京城南为汉江渡自此而西流为露梁为龙山江又西为西江至衿川北为杨花渡阳川北为孔岩津至交河西与临津合至通津北为祖江入于海】

龙山江【在都城西南十里庆尚江原忠清京畿上流漕转皆集于此商船贾舶往来不絶】西江【在都城西十五里黄海全罗忠清京畿下流漕转所集之地】杨花渡【即西江下流】

楮子岛【在三田渡西江水岐为二派环岛洄伏而出岛上松林防鬱其中寛平可居石泉涌出最为幽絶】

栗岛【在麻酒南蒔药种栗】

箭郊【在都城东七八里许三面围山一面带水平芜极目水草肥饶官马放牧之地有亭曰华阳取归马华山之义】

右都城近处

冠岳山【在果川西五里镇山】

青溪山【在广州西五十里】

松岳山【开城府镇山又称鹄岭在府北五里】

紫霞洞【在松岳山下洞府幽阻汉水清涟殊为萧洒】进凤山【在府东南内外杜鹃花盛开世称进凤山踟躅】天磨山【在府北诸峰嵒崿插天望之凝翠谓之天磨】圣居山【在府西北黄海道牛峯县境与天磨山相连一名九龙山又名平那山上有五峯其峯各有小庵称五圣昔圣骨将军居扶苏山右谷一日与同里九人捕鹰防日暮就宿岩窞有虎当窞口大吼十人相谓曰虎欲啗我辈试投冠使见揽者当之遂投之虎揽圣骨冠圣骨出欲与虎鬪虎忽不见而窞崩九人皆不得出圣骨还报平那郡郡人来葬九人先祀山神其神见曰予以寡妇主此山幸遇圣骨将军欲与为夫妇共理神政请封为此山大王言讫与圣骨俱隐不现郡人因封圣骨为大王立祠祭之以九人同亡改山名曰九龙圣骨之孙宝育出家入智异山修道还居此山之北岬】

大兴洞【在天磨圣居两山之间树木蓊鬱泉石光洁夏则緑陰盖地木莲花开清香满洞秋则赤枫黄叶倒映水底真佳境也】

朴渊【在天磨圣居两山之间状若石瓮窥之正黑有盘石涌出中心曰岛岩水赴絶壁怒瀑下垂可十余丈宛如白虹映空飞雪洒砦霆奔电激声震天地谚传昔有朴进士者吹笛渊上龙女感之引以为夫故名朴渊其母来哭坠死下潭遂名姑姆潭渊上有神祠遇旱祷雨辄应高丽文宗尝游此登岛崑上忽风雨暴作石震动文宗惊怖时李灵干扈从作书数龙之罪投于渊龙即出其脊乃杖之渊水为之尽赤】

五凤峰【在开城府峯下有寺名曰甘露高丽李子渊入元朝登润州甘露寺爱湖山胜致谓从行三老约曰肃宜审视形势载胸臆间及还与三老约曰天地间凡有形者无不相似况我国山川清秀其形势岂无与京口相近者乎汝宜以扁舟短棹无遠不寻当以十年为期三老曰唯凡六涉寒暑始得之于府城西湖润州甘露寺虽美但营构绘饰之工特胜耳至于天作地生自然之势殆未及此凡楼阁池台之制度一仿润州】

礼成江【在府西三十里高丽朝宋皆于此发船故谓之礼成】碧澜渡【在府西三十六里宋史自急水门又三日抵岸有馆曰碧澜亭由此登陆崎岖四十余里乃其国都者是也今称息波亭】

天寶山【在扬州东二十五里山有桧若寺高丽时西域僧指至到此云山水之形宛同天竺阿兰陀之寺后僧懒翁始建寺未毕而死其徒觉田等讫工为屋凡二百六十二间栋宇像设宏状美丽甲于东方】

骊江【即汉江上流在骊州客馆北临江有楼曰清心沿江有长林曰八大藪周十余里登楼望之如在画图中】

龙门山【在杨根郡东三十三里一名弥智山】

月溪迁【在郡西三十里紫紆山腹下临江水俗称栈道为迁】五冠山【在长湍府西三十里山顶有五峰团圆如冠故名高丽人事母至孝居山下去京三十里为养禄仕朝出暮返告面定省不少衰叹其母老作木鸡歌名曰五冠山曲传于乐谱山下有灵通寺洞府深邃山势周遭流水漫迴树木蓊郁其西楼胜防为松都第一】

遮日岩【在五冠山下绵防洞口有岩石平广可坐凿石为窠 人言古人张幕立柱处或云仙人所游或云君王所幸有泉盘回其驶如箭其下为 底皆石羣鱼泼刺厯厯可数】

花岩【在五冠山下灵通洞口一名花潭左有翠壁峭立如展画屏岩隙有踣躅当春乱发红映水底潭右有小崑四面如削其上四隅亦有张幕窠臼】

涌岩山【在五冠山东北山与天磨圣居诸山相连絶壁峭立三面如削岩防之间有寺名曰洛山惟南面独开恍如天造寺东有一独峰高插霄汉上戴盘石曰正瓶台寺南又有一峯曰香炉峰成化乙酉春夜有声如雷寺僧皆震怖明日视之则寺后石冈自折移立东门外屹然与两峰鼎峙】

宝凤山【在府西二十里桧岭东山势如凤鸾舞故名】石壁【府东三十里有长湍渡一名头耆津即临津上流两防青石壁立周遭十里清江泻其中莹彻可鉴春花秋枫红绿倒影乘舟望之宛如仙境】

临津渡【在府南三十七里其源出咸镜道安边府界】扶苏山【在丰德郡十五里山有敬天寺有石塔十三层刻十二防相人物耸动形容森爽其制作精巧天下无双谚传元脱脱丞相以为愿刹晋宁君姜融募元朝工匠造此塔至今有脱脱姜融画像又寺之东冈产怪石俗谓之沈香石】

孔岩津【一名北浦在阳川有岩立水中有窰因以为名高丽恭愍王时有民兄弟偕行弟得黄金二铤以其一与兄至津同舟而济弟忽投金于水兄怪而问之荅曰吾平日爱兄笃今而分金忽萌忌兄之心此乃不祥之物不若投诸水而忘之兄曰汝之言诚是矣亦投金于水】
右京畿

屏风山【在清风郡北一里苍壁削立如屏周遭五六里大川萦回其下山腰有风穴】城山【在永春县南三里山下有石窟高丈余广可十余尺许深入无际涯有水混混而出深可没膝清凉如水邑人持炬十柄而入穴犹未竟炬尽而返】

椒水【在清州东其味如椒而冷似水浴则已疾】

俗离山【在报恩县东九峰突起亦名九峰山新罗时称俗离岳跻中祀山顶有文藏台叠石天成巖巖耸空其高不知其几丈其广可坐三千人台上有坎如镬其中有水混混旱不缩雨不肥分为三派流泝半空一派东流为洛东江一派南流为锦江一派西流而北为達川入于

金迁山下有八桥九遥之号山之南岸纡余开豁自此至彼望之遥遥疑其地尽而至则又望遥遥如此九转而乃抵于法住寺故名九遥九遥之中一水回环曲转每曲有桥总八故名八桥第一桥曰水精桥桥上有飞阁人从阁中行】

黄山【一云天防在连山县东新罗金庾信将兵与唐苏定方攻百济百济将军阶伯御罗兵于黄山之野设三营四战皆胜兵寡力屈而死甄萱从高丽太祖讨其子神劔神劔兵败而降萱忧懣发疽数日卒于黄山佛舍】

白马江【在扶余县西良丹浦及金剡川与公州之锦江合流为此江入林川郡界为古多津】藏军洞【在石城县北洞门曲狭行人见之疑若无洞深入其内极广濶可藏万余兵世传唐将苏定方伐百济时藏兵于此故因以为号】

元帅山【在燕岐县南高丽忠烈王十七年哈丹侵軼王请兵于元世祖遣平章薛□干领兵来助王以韩希愈金忻等将三军偕元兵与丹战于县北清州之界正左山下大捷追至公州熊津伏尸三十余里斩获不可胜计俗至今呼驻军之地为元帅山】

温泉【在温阳郡西水热如沸汤疗病有效】

右忠清道

开云浦【在蔚山郡南新罗宪康王游崔城至海浦忽云雾晦冥迷失道祷于海神开霁因名焉】七防山【在三义水之间山有七峰如防故名世传驾洛时昆始仙人所游之地】金山【在东莱县北山顶有石高可三丈上有井圆十余尺深七寸许有水常满旱不竭色如黄金世传有一金色鱼乘五色云从天而下游泳其中以此名其山】

温井【在县北其热可熟鸡子带病者饮之辄愈新罗时王屡幸于此甃石四隅立铜柱其穴犹存】内迎山【在清河县北山有大中小三石鼎列于岩上人称三动石以手指触之则微动两手据撼则不动新罗真平王避甄萱乱于此山】

龙头山【在宁海府西二十里其顶有井水旱无增减俗传初山顶有一苇长至天乃凿井其地水甚清澈邪人照之则变为泥也】

氷山【在义城县东南四十里大岩下有石穴穴口高三尺广四尺八寸横入五尺一寸是为风穴又有穴在岩底直下广一尺深可量处方一尺其下回曲深浅难量立夏后氷始凝极热则氷坚霪雨则氷释春秋不寒不热冬则温气如春是为氷穴】

鼇山【在清道郡南二里镇山东有一谷名曰高沙洞天将风雨先期而鸣喷出云气云入洞内则雨云出洞外则风大鸣则即日有驗小鸣则二三日乃驗】

华山【在义兴县东三十里山麓有风穴广三尺二寸长二尺八寸风自穴出甚寒夏初必冰】洛东江【在尚州东三十六里闻庆龙渊及军威并川诸水至州之东北合于龙宫河豐津南流为洛东江入善山府界自此至入海虽随地异名而总称洛东江又称伽倻津】

恭俭池【在州北二十七里高丽时司錄崔正份因旧址筑之堤长八百六十步周一万六千六百四十七尺民赖灌溉之利池中莲花盛开香风闻数里菱芡被洲渚县之士人环池岸置亭榭以游焉】

鲤埋渊【在善山府东十二里东岸有奇岩岩下有龙穴天旱先燔柴于冷山之顶继沈虎头于此或祭龙以祷辄应】

鸟岭【在闻庆县西二十七里俗号草岾与丰基竹岭俱为南道雄关】龙湫【在鸟岭下桐华院西北一里有瀑布四面及底皆石其深不可测俗传龙腾处】曦阳山【在县南十五里有古城三面皆石壁古有军仓洞府深邃泉石絶胜】串岬迁【在县南二十二里即龙渊之东崖一名兔迁凿石为栈道萦纡屈曲几六七里俗传高丽始祖南征至此不得路有兔縁崖而走遂开路以行因称兔迁其北防峰有石城遗址古之防戍处】

伽倻山【一名牛头山在陝川郡北高丽始祖将兴崔致遠上书有鸡林黄叶鹄岭青松之语新罗王恶之致遠即带家隐于伽倻山之海印寺】

吟风濼

泚笔岩【俱在海印寺洞是地攢峰四峙怒浪喷风声如阵马巨石临溪苔蘚不蚀滑如磨砢可施铅毫故名皆致遠所游处致遠即入唐为高骈幕下作檄黄巢书者也】

水落岩【在龙川县东十三里栗川岨山南溪水流入山腰岩石间作瀑布数十丈分三派直下垂土人以为全罗道将旱则西派竭庆尚道将旱则东派竭忠清道将旱则中派絶流以此占来岁水旱】右庆尚道

万景台【在全州府东南十里高德山北麓有石峯奇秀状如层云其上可坐数十人四面林木森郁石壁如画西望郡山岛北通箕準城东南负太山气象千万】

羣山岛【在万顷县西海中周六十里回迂可以藏船凡漕运往来者皆候风于此岛中有大冢如君王陵者大明一统志十二峯连络如城旧有客馆曰郡山亭及五龙山庙】

边山【在扶安县西二十五里一名瀛洲山峰峦盘回百余里重叠高峻岩谷深邃宫室丹铅之材自高丽皆取于此俗传虎豹见人即避夜行无阻】

无等山【在光州东十五里镇海一云武珍岳一云瑞石山穹窿高大雄盘五十余里济州汉

拏山庆尚道南海巨济等岛皆在眼底山西阳崖有石条数十栳立高可百尺山名瑞石以是也天旱欲雨与久雨欲晴山辄鸣声闻数十里】

月出山【在灵岩郡南五里谚称小金刚山】

九井峰【月出山最高顶有岩屹立高可二丈旁有一穴仅容一人从其穴而上其巔可坐二十人其平处有凹而贮水如盆者九号九井峯虽旱不竭谚传九龙所在】

动石【九井峯下有三石特立层岩之上高可丈余周可十围西负山巔东临絶壁其重虽用千百人不能动摇而一人摇之则欲坠而不坠故亦称灵石郡之得名以此】

汉拏山【在济州南二十里镇山其曰汉拏者以云汉可拏引也其巔有大池人喧则云雾咫尺不辨五月雪犹在八月乃裘裘】

明月浦【在州西六十里海口可泊舟】

财岩【在明月浦西五里其形如屋穹窿其上铺白沙其下有大穴人以炬入其中寛广可八十步许产石钟乳其西北有二岩名小夹财俱产石钟乳其中寛广亦五十步许】

智异山【在南原府东六十里山势高大雄据数千里女真白头山之脉连延至此故又名头流一名方丈杜诗方丈三韩外注及通鉴辑览皆云方丈在带方郡即南原之南者是也新罗为南岳跻中祀环山而居者凡数十州其北则咸阳其东南则晋州其西则南原奇峰峭壁不可胜算天王峯般若峰最高山腰或有云雨雷电其上则晴朗谚传太乙居其上羣仙之所防龙象之所居也东南之山智异金刚最雄大山东有防俗寺崔致逵读书处】

青鹤洞【在智异山中路甚隘狭才通一线人乃曲躬而行经数里许乃得虚旷之境四隅皆良田沃壤宜播植唯青鹤栖息其中故以名焉盖古之遁世者所居颓垣壤堑犹在谚传崔致逵所游处】

马耳山【在镇安县南七里有一石山双峰耸立名曰涌出峰东曰父西曰母相对如削成高可千仞其顶树木森郁四面峻絶人不能升惟母峰北崖可升谚传东峰上有小池西峰顶平濶有泉可避寇天旱祷雨有应新罗称西多山载小祀我恭定王南幸次山下遣官致祭以形似赐名马耳山】右全罗道

急水门【在黄州西三十里海口州及龙冈安岳之水相激处】葱秀山【在平山府北三十里董侍讲越奉使到此作记立碑以刻】慈悲岭【在瑞兴府西六十里一名岳岭自平壤通京都旧路也多虎害路遂废今由棘城路以行】吾助川【在牛峰县兴义驿南源出圣居山源入楮滩岸上有石迤邐如屏高十丈余甚奇伟】龙湫【在遂安郡有岩如口喷出清泉淙淙而流渊沦成深渊冬不冰旱不竭雨亦不溢崖石高起可坐五六人毫发皆鉴穴转而阨状

若咽喉莫敢窥其源】

九月山【在文化县西十里即阿斯達山一名弓忽一名甌山一名三危世传檀君初都平壤又移白岳即此山也至周武王封箕子于朝鲜檀君乃移于唐藏京后还隐此山化为神】

白沙汀【在长渊县西五十八里长七八里广三四里南有莲池北有胜仙峰峰头有莎草三面滨海白沙平铺随风流转堆积成岸地产海棠红翠相映游赏者相属】右黄海道

五台山【在江陵府西一百四十里东满月南麒麟西长岭北象王中智炉五峰环列大小均敌故名之】于筒水【在五台山西台之下有泉涌出即汉水之源】仙游潭【在杵城郡南十一里许山麓周遭成谷谷中有潭曰仙游有小峰斗起半入湖心上有长松数株旧有亭今废春则踰躅夹岩乱发夏则莼菜满潭】

永郎湖【在郡南五十五里周三十余里汀回渚曲岩石奇怪湖东小峰半入湖心有古亭基是永郎仙徒游赏之地】

烈山湖【在郡烈山县东二里有大湖周数十里包跨陵谷比诸湖最大谚传昔大水包烈山之谷新罗构山麓而旧县沈在水底天晴波静则墙壁依然可见】

鸣沙【在郡南十八里沿海沙平皓若雪色人马行则触之有声铮铮如金磬响大抵岭东皆然而杵城高城之间最多海棠间发红白相映】

浦口山【在高城郡东九里高城浦有岩斗起层叠如阶其上可坐百余人岩北又有一峯皆石东望海中五里许有石拳如列屏峯下有石龙拏虎攫奇怪异常又有二石相对如人偶语石皆白色辉映碧海望之如画】

三日浦【在郡北七八里外有重峰叠嶂合包而内有三十六峰洞壑清渊松石奇古水中有小岛苍石盘陀其上虬松铺陰梨花乱开湖水明莹可鉴非烟火食者所堪至昔四仙游此而三日不返故得是名水南又有小峯峯有石龕峯之北崖石面有丹书六字曰永郎徒南石行书画入石风磨雨洗宛然如新世传永郎仙徒所书】

昭阳江【在春川府北六里源出麒麟之瑞和县与府之麒麟县水合流至杨口县南为草沙里滩又至府东北为青渊为丹渊为狄岩滩为昭阳江】

寒溪山【在麒麟县东五十里山下有城有川自城中流出即成瀑布而下悬流数百尺望之如白虹垂天自圆通驿而东左右皆大山洞府深邃溪水纵横而渡者三十六树木如簣上竦云霄旁无横枝松栢尤高不见其巅又其南峰作絶壁其高千仞奇怪莫状禽鸟不能飞度其下清泉触岩成潭盘石平向可坐又东数里洞口甚狭细径縁崖窾穴嗒呀峰峦峭拔如龙拏虎攫如累层台者无数其形胜甲于岭西】

金刚山【在淮阳府东一百六十七里山名有五一日金刚二曰皆骨三曰涅槃四曰枫岳五曰悒怛白头山南条也自防宁府之亏罗汉岘至甲山东为头里山永兴西北为剑山府之西南为分水岭西北为铁岭通川西南为楸池岭至长杨之东高城之西为此山自分水岭至此凡八百三十余里山凡一万二千峰岩防骨立东临沧海杉桧参天望如画图有日出月出二峯可见日月之出内外山共有百八寺表训正阳长安摩诃衍普德窟榆岾最为名利云】

万瀑洞【在金刚山中百道流泉涌出谷中其状非一故名谷口有峰曰玉人峯人言青鹤栖其隈有一 曰观音潭潭畔石崖苍苔滑足人皆捉藤蔓乃得过其名曰手巾崖石心有凹如杵 谚传观音浣帨处至普德窟前飞湍萦石来触崖窾飞雪喷激晴昼欲暝石底水蔚如翠蓝尺数步怒瀑飞珠散雪喷薄而下其大者凡十二层其小者不可胜计故曰万瀑洞其下曰珠渊又有一石形如 伏潭中曰 潭又有一潭深不可测曰火龙潭其上有峰曰狮子岩洞有普德窟凿絶壁架枝立铜柱于外以构小屋三楹于其上名曰观音门拘以铁锁钉于岩石浮在空中人登则摇中置佛函饰以珠玉外施铁网以防手摸】右江原道

龙兴江【在永兴府东北二里古名横江其源有四一出沸流水一出马逾岭一出艾田岘一出阳德县境居次岭至库岩与松鱼滩合名横川过龙神堂至镇静寺西絶壁下名鸕鹚渊下有广滩中有白石形如白马以石隐见知水深浅经邑城东北为此江南流入海】

国岛【在安边府东六十里岛去岸十里许入自西南隅水际白沙如练其下平地五六畝形若半壁中有屋基人言浮图者所居也其上山围若映势不甚高蔓草覆之又无树木视之一土坡也舟而少西崖岸稍异其崖石则皆方直栉比而壁立其岸石则皆平圆排列一面可坐一人然不整齐也行数百步其屋高可数百尺其石白滑方直长短若一皆井井离立每一条其顶各戴一小石若华表柱头者仰面而视可竦可愕有一小窟撑舟而入渐窄不能容舟视其窟深不可测其左右竦立之石如外面更整齐其上石脚下垂者皆平正如覆棋局若一一钜而防之又有一面如围屏者石与窟无异而崖不甚高其下稍平易其圆石排列者可坐千人游观者必憩息于此东南又行数百步崖石稍异作方铁网盛水磨小圆石长五六十尺人谓铁网石造物奇怪难以言殫】

磨云岭

磨天岭【俱在端川郡以其高峻势入云天故名东北雄关】白山【在镜城府西一百十里山势甚峻至五月雪始消七月复有雪山顶树木矮小土人亦谓之长白】白头山【在防宁府西七八日程山几三层高二百里横亘千里其巔有潭周八百里南流为鸭绿江北流为松花江为混同江东北流为苏下江为速平江东流为豆满江大明一统志东流为阿也若河疑指速平江也】

右咸镜道

锦绣山【在平壤府五里镇山山下有高丽长乐宫基】牡丹峰【在锦绣山】

德岩【在大同门外屹然能捍水故府人德之而名】酒岩【在府东北十里谚传酒流出岩间遗痕尚在因而得名】大同江【在府东一里一名溟江又名玉城江其源有二一出宁远郡加幕洞南流至孟山县北又折而西流至德川郡界与三滩合而南流至价川郡界为顺川江至顺川郡界为城岩津至慈山郡界为禹家渊自北而东流至江东郡界为杂派滩一出阳德县北文音山西南流至城川府界为沸流江又折而南流至江东县界与杂派滩合流为西津江至府城东北为马滩至府城东为银滩又为大同江自此而西流为九津溺水下与平壤江合流至中和县西为梨津江至龙冈县东出急水门入海】

白银滩【在府东北四里】

绫罗岛【周十二里在白银滩北】

凤德山【在安州东二十里山顶有九层铁浮屠】

清川江【一名萨水源出妙香山经安州北城下西流三十里与传川江入海隋宇文述等伐高句丽师渡萨水去平壤城三十里因山为营因乙支文德诈降还军至清川江军半渡文德追击其后军杀右屯卫将军辛世雄隋军俱溃所谓隋兵百万化为鱼者此也】

堂于岭【在定州西十五里郭山郡界】

西门岭【在嘉山郡西二里俗名石门岭】

凤头山【在郡北一里镇山】

白马山【在义州南三十里谚传白龙马出游故名】鸭绿江【在州西北一名马訾一云清河一曰龙湾西去辽东都司五百六十里其源出于长白山流至州北于赤岛东分三派一南流汇为九龙渊名曰鸭绿江水色似鸭头故名之一西流为西江一从中流名曰小西江至黔同岛复合为一至水青梁又分二派一西流与狄江合一南流为大江绕威化岛至暗林串西流至弥勒堂复与伏江合为大撏江入于西海朱子曰女真起处有鸭绿江传云天下有三处大水曰黄河长江鸭绿是也高皇帝诗鸭绿江清界古封强锄诈息乐时雍逋逃不纳千年祚礼义咸修百世功汉代可稽明载册辽征须考照遗踪情懷造到天心处水势无波戍不攻】

龙骨山【一名龙虎山在平安道龙川郡东八里镇山西临大海北望鸭绿江江外松骨诸山如在几案之下最为絶胜】

龙岩【在龙川郡西四十五里潮水往来岩上有龙爪痕】剑山在【宣川郡西二十里峰峦嵯峨如剑防故名】凌汉山【在郭山郡东北七里镇山大明一统志作熊花山】妙香山【在宁边府东一百三十里一名太伯山山之大莫之与比地多贞木冬青仙人旧迹存焉】博川江【古称太宁江大明一统志作大定江在博川郡西十五里源出昌城府浮云山过泰川

县合于安州之老江入于海】

剑鹤山【在成川府东八里镇山左右絶壁如剑如鹤故名】桧山【在成川北七十里石壁周三十里中有赤坎平衍巨川横流其下谚称天作之城可容千兵】絶骨山【在府西北二里有攒峰十二世谓之巫山十二峰】沸流江【即卒本川俗称游车衣津在成川客馆西三十步其源二一出阳德县吴江山一出孟山县大母院洞至府北三十里合流历絶骨山下山底有四石穴水入穴中通流沸腾西出故名沸流江又与慈山郡禹家渊合入于大同江】

狄逾岭【在江界府南二百六十九里熙川郡界即咸镜道镜城府白山西麓西北雄关】

右平安道

楼台

济川亭【在都城南十里许前临汉江后据木觅南对青溪冠岳诸山】望遠亭【在杨花渡北岸每歲省农及观水战处】

乐天亭【在都城东十余里乃春秋省农阅武之所】七德亭【在汉江西白沙汀春秋讲武处】

狎鸥亭【在豆毛浦南岸上党府院居韩明浚别墅明浚尝奉使入中朝请名于翰林学士倪谦谦扁以狎鸥而为之记后复奉使入中朝求诗于缙绅武靖侯赵辅等数十人亭名遂闻于中朝】

淡淡亭【在麻布东岸安平君别墅今废】

右都城近处

云锦楼【在水原郡客馆东楼前有池深广夏月芙蕖盛开故名】清心楼【在骊州客馆北俯临骊江北有八丈藪西有笠岩高可二十余丈上有松亭楼之东北五里许有神勤寺晨昏钟磬常开于楼中】

迎宾馆【在骊州客馆东岸高爽开豁与清心楼相对俱为絶胜】临津亭【在坡州临津南岸】

右京畿

云锦楼【在江宁府客馆北岿然杰特制度奇伟楼南有池深广蒔以芙蕖池中有岛岛上种竹】励节堂【在府馆西北府使赵云伋有惠政邑人立祠祭之俗呼生祠堂】寒松亭【在

府东十五里东临大海苍松郁然亭畔有茶泉石灶石臼即述郎仙徒所游处】镜浦台【在府东北十五里浦之周二十余里水净如镜不浅不深才没人肩四涯中央如一西岸有峯峯上有台台畔有炼药石 浦之东口有板桥曰江门桥桥外有竹岛岛北有白沙河周五六里许河外苍海万里直望日出最为奇胜亦曰镜湖】

海云亭【在府镜湖之南东临苍海】

竹西楼【在三陟府客馆西絶壁千仞奇岩丛列其上架楼曰竹西下临五十川川滙为潭水清彻底日光下透游鱼历历可数为岭东絶景】

凌波台【在府东十里海崖上有石数条立水中高可八九丈其上可坐数十人】召公台【在府瓦岬山上观察使黄喜值歳荒专心赈活民无捐瘠既还京民慕其德而相与就所憩之地累石为台以寓甘棠之思故名】

秘仙台【在襄阳府北双成湖东有峰峭拔上有虬松数株望之如画上可坐数十人傍有细径如线】祥云亭【在府南傍海有长松连十里苍翠成阴仰不见白日松间无杂卉惟踟躅盛开烂如红锦】月松亭【在平海郡东苍松万株白沙如雪松间禽鸟不栖谚传新罗仙人述郎等游憩于此】望洋亭【在郡北东临大海】

万景楼【在杵城郡清涧驿东有石峰突起其高数十仞上有虬松数株东构小楼台下乱石巉岩水清彻底风至惊涛溅石】

茂松台【在郡明波驿南有峰耸立海溼松林蔽日望之郁然昔有茂松府院君尹子云奉使来游因名焉】

四仙亭【在高城郡北三日浦谚传四仙来游故名】防石亭【在通州郡北有数十石柱高可八九丈离立海中石皆六棱如削玉方直平正如中绳墨者凡四处亭在海岸临防石故名谚传新罗述郎南郎永郎安详游赏于此号称四仙】

凌虚楼【在蔚珍县馆东】

七宝台【在歙谷北有脩冈迤邐东蟠三面皆大湖湖水弥漫外有大海小岛森列海中者七故名】孤石亭【在淮阳府岩石竦立东临渊水新罗真平王高丽忠肃王尝游此亭】锦江亭【在寧越郡锦障江岸绕壁之上东临锦江南望金鳳渊虹之外有尚德村茅屋疎篱隐映桑柘间南有密积浦树木葱郁村烟水气掩霏霏微望若图画】

倚风亭【在旌善郡风穴之旁穴在大陰山岩石间寒气飕飕其下置水则经夏不消】二乐楼【在春川府招阳江岸景致清絶】

清虚楼【在府西石壁削立下有澄潭】

右江原道

倚风楼【在庆州府西壮丽轩豁】

燕子楼【在金海府客馆东北跨虎溪结构宏丽南有七防山三义河一望可了】涵虚亭【在燕子楼北引虎溪为莲池亭在池中极其清洒】将星楼【在原昌府兵马节度使之营】

抚夷楼【在巨济县左絶岛中楼在县西三十里许海岸上】万景楼

海晏亭【皆在县西南水军节度使之营后据峻岭前临大海】风咏楼【在尚州客馆东北壮丽开豁】

大和楼【在蔚山郡西数里有大川南流东折而入海到楼前水尤广濶翠岩陡防岩隙有冬柏树横生侧垂花间烂然东望海口云水接天森茫无际】

掣鼈亭【在郡东南水军节度使营俯临大海】

双碧亭【在梁山郡西城上城下有水水西有竹林水竹交映故名中朝人张清有诗】澄心亭【在双碧楼之北下鉴湖水神爽气清故名】明远楼【在永州郡客馆东南三面敞豁下有大川南流楼东西皆有堂东曰清凉西曰双清】东水楼【在郡西清通驿东南石崖上一水合流于其南境最清幽】海云台【在东莱县东有山陡入海中若蚕头夹路数里有冬柏杜椿松杉葱茏苍翠四时如一春冬之交冬柏花落深没马蹄东南临大海新罗崔致远尝筑台游赏遗迹尚存】

映潮楼【在安东府南五里江岸上高丽恭愍王南幸至府登此楼遂乘舟上下仍书额赐之额至今犹在楼上】

观鱼台【在宁海府东海岸上俯临大海极目无际风定波恬台下游鱼历历可数故名】岭南楼【在密阳府馆东山腰倚郭而构三面敞豁登览旷然下有长江江外有大野野有栗林苍翠极目江流屈曲蜿蜒而走隐见长林间虹明绣错殆非人境其胜览为岭南第一故名楼东有望湖堂西有临镜轩皆极洒落】

秋月轩【在昌宁县馆西地势高爽三面敞豁轩北有池池中有岛】矗石楼【在晋州客馆二里许宏敞轩豁长江在其下众峰攒于外翠壁迢迢长洲聯亘江之南涯有巨竹千挺形胜景致与密之岭南相甲乙楼东西皆有堂东曰凌虚西曰临镜临镜之西又有双清堂凌虚之东又有清心轩皆极清洒】

学士楼【在咸阳郡客馆西偏新罗崔致逵为太守时所建故名】观水楼【在三嘉县客馆南十余步许楼前有水楼之西偏有净襟堂】光风楼【在安陰县客馆北楼前有江江外有林藪西偏有霁月堂连构景最清絕】换鹅亭【在山陰县客馆西俯瞰江流连构道士观县名山陰故取王右军事名之】新安楼【在丹成县东五里东临大江江之东偏石崖如悬巉巉可观】

右庆尚道

快心亭【在全州府城东南数里许沿流而上山防水洄筑石为基作亭其上】民乐亭【在右阜郡客馆西峰上大野微茫一望无际西有海口潮水往来】培风轩【在兴德县客馆西峯上西临海口东望大野形胜与民乐亭相埒】凭虚亭【在罗州东峯上倚郭而构眺望旷遠南望月出东望无等西有锦城山又大江横带于前】右犀亭【在光州城南二里许二川合流盛夏霖雨恒有水患故用李冰守蜀时故事作石犀以镇之二水之旁有山稍高如蚕头构亭其上以石犀名之亭颇高爽开豁】

冬栢亭【在茂长县北三十里有山陡入海中三面皆水其上冬栢树葱茏连五六里为湖南胜地】碧波亭【在珍岛郡东三十里郡在海岛中亭当渡口俯临大洋】聽潮楼【在康津县客馆南南临大海潮声常在楼中故名】广寒楼【在南原府城南二里许地势高平敞豁楼前有长川景致清絕】龙潭台【在平昌县南二里许山麓有奇岩高可百尺南望无等下压澄潭号曰龙潭台旁有僧舍】

右全罗道

庆迎楼【在忠州客馆东楼下有池深广夏月芙蕖盛开】寒碧楼【在清风郡客馆东俯临大江山水之胜最为清絕东有明月亭】聚遠楼【在公州客馆东楼西有池周五六畝种以芙蕖池心有岛岛上有茅亭】锦江楼【在州北五里锦江南岸当南北往来渡口景致清爽】宣化楼【在天安郡客馆东地势穹窿眺望旷阔中朝浙东人李明升有诗】驭风亭【在保宁县客馆北北据高山南控大野登者如驭冷风故名】

右忠清道

芙蓉堂【在海州客馆西有大池芙蕖盛开堂在池中极有清致】聚遠楼【在延安府客馆东据飞凤山俯卧龙池青草湖金莲浦在其左右树林隐暎云烟变态最为胜处】

广遠楼【在黄州客馆东诏使闰有记前后诏使皆有诗】

右黄海道

七宝亭【在咸兴府东轩南池中景致萧洒】

浩浩亭【在利城县客馆东东望大海前临平野】

右咸镜道

乙密台【在平壤府锦绣山顶平坦敞豁号乙密台又称四虚亭】浮碧楼【在乙密台永明寺东中朝人张溥诸公皆有诗】风月楼【在府城中楼下有池深广种美蕖董侍讲越有记】望遠楼【在大同江东岸】

咏归楼【在南浦距府城十里夹途左右垂杨拂地】练光亭【在府东城德岩上唐内翰臯有记】

快哉亭【在大同馆北】

百祥楼【在安州北城内】

迎薰楼【在定州客馆南旧名定遠董侍讲越改以迎薰】纳清亭【在州东四十里唐内翰臯名之史给事道记之】敌忾亭【在嘉山郡大宁江上】

观德亭【在龙川郡东二里】

运筹楼【在宁边府城内】

决胜亭【在府夫伊塔津上】

偃武亭【在獐顶津上】

降仙楼【在成川府客馆西俯临沸流江江之西岸有十二奇峯削立如屏人谓之巫山十二峯景致清絕】

仁风楼【在江界府城西】

右平安道